



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De illis qui domum Dei contemptibilem faciunt. xciii.

urn:nbn:de:hbz:466:1-10722

Quid sit basilica. Cap. XCIII.

Basilion Græcorum rex erat. Hinc & basilica regalis, *Ex dictis S. Isidor.*
quia in primis temporibus reges tantum sepelieban-
tur in ea, ideo nomen sortita est. Nam nunc temporis cæ-
teri homines, siue igni combusti, siue aceruo lapidum sepulti
sunt.

De illis qui domum Dei contemptibilem faciunt.

Caput. XCIV.

Si quis docet domum Dei contemptibilem esse, & con- *Ex cœcil.*
uentus qui in ea celebrantur, anathema sit. *Gagren.*

De eadem re. Cap. XCIV.

cap. 5.

Si quis extra Ecclesiam seorsum conuentus celebrat, & *Ex eodē.*
despicens Ecclesiam, ea quæ sunt Ecclesiæ voluerit v- *cap. 6.*
surpare, non conueniente presbytero iuxta decretum epi-
scopi, anathema sit.

Vt calix & patena ex auro aut ex argento fiat.

Caput XCVI.

Vt calix domini cum patena, si non ex auro omnimo- *Ex cœcil.*
dis, ex argento fiat. Nec causentur presbyteri avaritia *Remensi,*
suadente de paupertate, vel impossibilitate, cum quarta *cap. 5.*
pars ex omnibus quæ ad Ecclesiam pertinent, in fabricis i-
psius Ecclesiæ sit impedita. Admonendum est etiam popu-
lus ut aliquid in donariis domini offerat, sicut ille antiquus
populus sub Mose in tabernaculo domini fecisse legitur. Si
quis autem tam pauper est, saltem vel stanneum calicem ha-
beat. De ære autem ex aurichalco non fiat calix, quia ob vi-
ni virtutem eruginem parit, quæ vomitū prouocat. Nullus
autem in ligneo calice, aut vitro præsumat cantare.

De obseruanda mensa Christi. Cap. XCVII.

Obseruandum est, ut mensa Christi, id est, altare vbi cor- *Ex eodē*
pus dominicum consecratur, vbi sanguis eius hauri- *cœcil. cap. 5.*
tur, vbi sanctorum reliquiae reconduntur, vbi preces & vota
populi in conspectu Dei a sacerdote offeruntur, cum oinii
veneratione honorecur, & mundissimis linteis & pallis di-
ligentissime cooperiatur, nihilque super eo ponatur, nisi
capsæ cum sanctorum reliquiis & quatuor Euangelia. Ex-
pleta Missa calix cum patena, & sacramentorum liber, cum
vestibus sacerdotalibus in mundo loco sub sera recodantur.